

ՆԱԶԱՐ.– Դրուստն ես ուզո՞ւմ: Մի ժամանակ կար, նեղը որ ընկնում էի՝ վախենում էի: Վերջը տեսա, որ ամեն տեղ էլ դուրս եմ պրծնում: Հիմի էլ տեսնում եմ, որ հե՛րն անխժած, քե՛՛ֆ արա, մարդիկ ենքան սարսաղ են, որ ամեն տեղ էլ կպրծացնեն: Սարսաղ աշխարհք է, սարսաղ մարդիկ: Աշխարհքը էսպես սարսաղ է եկել, սարսաղ էլ պիտի գնա: (Երգում է) Ա՛ման, ամա՛ն, այ ջա՛անան;

ՄՈՒՆԵՏԻԿ.– (Դրսից) Կոչնա՛նա՛նկ: (Աղմուկ է լսում, որ հետզհետե մօտենում է):

ՆԱԶԱՐ.– (Վեր թռչելով) Գեաղա՞, Սենեկապե՞տ: (Սենեկապետը ներս է վազում) Գեաղա, էս ի՞նչ է:

ՍԵՆԵԿԱՊԵՏ.– Այլակերպում է վիճակի, տեր ի՛մ,

ՆԱԶԱՐ.– Դոլամներս կանչի, ի՞նչ ես դուրս տալիս:

Սենեկապետը դուրս է վազում եւ իսկոյն ներս գալիս Թամադայի, Մաքոյի, Ղոռոբուղայի եւ միւս հսկաների հետ:

ՆԱԶԱՐ.– Հա, էստեղ է՞ք: Կանգնեցէք էստեղ, տեսնե՞ք ի՞նչ բան է:

ՆԱԶԱՐ.– (Ներս գալով) Կռիւը մեծացաւ, արքայից արքա: Տագնապ է: (Դուրս է վազում):

ՆԱԶԱՐ.– (Միւսներին) Գնացէք դռանը կանգնեցէք, (Թամադան, Մաքոն, Ղոռոբուղան դուրս են ելնում):

ՈՒՍՏԻԱՆ.– էս ի՞նչ զուլում էր: Անջախ իմ թագուհի ժամա՛նակս պիտի եղ շները թափուէին վրադ:

ՆԱԶԱՐ.– (Անհանգիստ) Գեաղա՞, էս էսպես չի լինի, (Պատրաստում է փախչելու) Հը՞: (Աղմուկը մեծանում է) Քաղաքը մտան: (Դեսուդեն է ընկնում փորը բռնած) Վո՛ւյ, վո՛ւյ, վո՛ւյ, վո՛ւյ...

ՈՒՍՏԻԱՆ.– Այ մարդ, ի՞նչ եղաւ:

ՆԱԶԱՐ.– Չարհումար եղաւ, թագաւորութիւն չեղաւ, վոյ, վո՛ւյ, վո՛ւյ, վո՛ւյ... ֆռթոնա է, տերութիւնը խառնուեց:

ՈՒՍՏԻԱՆ.– Հը՞... տերութիւնը... ամա՛ն: (Դեսուդեն է ընկնում եւ զանազան թանկագին իրեր է կոխում գրպանը: Հանկարծ կանգ է առնում եւ ականջ դնում) Հը՞: (Աղմուկը մեծանում է) Չէ, մեծացաւ: (Ծոցն է դնում զանազան իրեր):

ՆԱԶԱՐ.– Վո՛ւյ, վո՛ւյ, վո՛ւյ, վո՛ւյ... (Վազվզում է զանազան կողմեր):

ՍԵՆԵԿԱՊԵՏ.– (Ներս վազելով) Օ՛ո ո... Գերագոյն... օգնութեան հասիր... (Դուրս է վազում):

ՍԱՔՈ.– (Ներս է վազում) Բը՛, բը՛, բը՛, բը՛...